

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Atlas minor Gerardi Mercatoris

Mercator, Gerhard

Amsterodami, 1610

Tavrica chersonesvs

[urn:nbn:de:bsz:31-118360](https://nbn-resolving.org/urn:nbn:de:bsz:31-118360)

TAVRICA CHERONESVS.

150

*Regio.
Nomina.
Situs*

Cæli temperia.

*Soli fertilitas.
Animalium va-
rietates.*

*Imperium Ma-
jorum.*

Urbes.

Cheronesus a Tauris Scythiæ Europæ populis *Taurica* cognominata Ptolemæo, Scytharum regio est, quæ & *Scythica* Straboni dicitur. Hanc *Taurorum*, *Peninsulam*, Latine dixit Plinius lib. 2 cap. 96, *Cherronesum*, *Ponticum*, Appianus in Mithridaticis, *Chersenam* Paulus Diaconus. Hodie *Perocopia* & *Gesara* Antonio Pineto, aliis *Præcop* & *Tartaria Minor* dicitur. Ampla est Península, inter Pontum Euxinum & Mæotidem paludem usque ad Bosphorum Cimmericum, qui Europam ab Asia discernit, versus Ortum porrecta. Longa est xxiiii milliaria, Lata xv. Península quæ ab Oriente & Meridie a Perocopia media est, hyemem placidissimam, & Aërem temperatissimum habet. Nam in fine Decembris hyemis initium, in medio vero Februario hyemis asperitas, quæ magis nivosa, nec tamen integro triduo illa magis durat, quum frigida & gelu constans est: nec diutius quam ad initium Martii illa durat. Univerſa autem ipsa regio frugum feracissima est, ac pascendis gregibus atque armentis valde idonea. Sed quamvis solum fertile incolæ habeant, plurimi tamen agros non colunt, nec ferunt. Equis, Camelis, Bobus, Vaccis, Pecoribus & Ovis abundans, ac inde visitant. Est præterea Avium delicatissimarum ibi copia, quas aliquando Christiani vel Turcæ, rarius tamen peregrini Poloni capere solent. Venationes Cervorum, Caprarum, Aprorum & Leporum in ditione Tartarica & Turcica mari vicina, sunt plurimæ. Cherronesum autem hanc mediam horridi & ardui Montes velut Apenninus Italiam in Boream & Australem dirimunt. Australem, cuius Metropolis est *Capha* Mahometes anno MCCC LXXV occupavit, & sibi tributariam fecit. In Boreali vero parte Tartari, Crimæi vulgo appellati, latissimos inter Borythenem & Tanaim campos, pascuis subinde mutatis pervagantes, sedem Regiam annos jam fere quadringentos habuerunt opidum Crimæum, unde & Crimæi Tartari appellati fuerunt. Hi postea perfosso Tauricæ ad Insulæ formam Isthmo, circa fossam eam quam Præcop appellant, Civitatem ejusdem nominis & Regiam sedem cum condidissent, Præcopenses Tartari inde dicti sunt. Horum Rex Turcis fœdere & societate conjunctus cum proprios fratres (instigantibus Turcis) a quibus bello petebatur, submovisset, & Capham obsidione preueret, a suis Consiliariis ad hoc amplis muneribus corruptis, cum duobus filiis in frustra concisus, Ottomannicæ amicitia infelix exemplum præbuit: Eo enim occiso Tartari, qui hætenus liberi & indomiti, ex sociis & fratribus Ottomannorum facti sunt servi, & more aliarum Turcicarum Provinciarum non Regem, sed Beglerbegum, id est Vice-Regem accipere sunt coacti. Quale autem sit Turcicum imperium ex Walachia, Græciæ & Imperii Turcici descriptionibus facile potest cognosci, eo Lectorem brevitatis causa remittimus. Præter Cazan autem & Astrachan Regna Tartarorum, qui agros colunt domosque inhabitant & nunc Moscho subjiuntur, præterque dictos Præcopenses, sunt & alii Tartari campestres, qui catervatim in campis nullis finibus observatis degunt & in hordas veluti in quasdam Provincias, a quibus & cognominantur, divisi sunt, de his suo loco Asiaticis videlicet Tabulis, dicemus. In Australi Metropolis est *Capha* olim dicta *Theodosia*, Emporium celeberrimum, vetus Genuensium colonia. Sita est ad mare. Portum copiosum illa semper habuit. Genuensium

TAVRICA CHERSONESVS.



...Seydane
...Pana in
...Hain
...Pononia in
...procurat ab
...Oncus dicit
...in fine Dicit
...en impetru
...dicitur. Vanc
...Sed quon
...his Bobus. Vanc
...bi copu qua
...worum. Capu
...cherioccum m
...tristum. Adh
...antiam fecit.
...in
...on campo
...ant copu
...formam illu
...cum conatib
...com propu
...e premere
...Oromon
...ini, ex
...Regem
...exa W
...entim
...runc Mol
...in campo
...neur, d
...un dicit
...solum illa

Genuensium tempore apparet eam divitem & frequentem admodum fuisse. Postquam vero a Turcis ab antiis plus centum Genuensibus erepta fuerat, Christiani Itali in angustum ita redacti sunt, ut exigua & obscura admodum eorum reliquiae in ea supersint: Civitas pristinum splendorem magna ex parte amisit. Templum Christianorum Romana prostrata, aedes diruta, muri & turres, in quibus Genuensium plurima insignia & inscriptiones Latinae visuntur, collapsa jacent. Turcis, Armenis, Indis, Italis, & Graecis Christianis paucissimis habitatoribus referta, negotiationibus, portuque universae ejus Taurica nunc etiam nobilis est; vineas, pomaria & hortos fere infinitos habet. Ac praeter hanc sunt *Perecopia* a veteribus Graecis *Eupatoria*, *Pompeopolis*, *Sacer Lucus*, *Dromon* vel *cursus Achillis* seu *Gracida*, *Heracleum*, vel *Heraclea* appellata: *Coslovra*, Emporium non ignobile: Est & *Ingermenum*, quod Arcem lapideam, templum & specus subarce, & ex aduerso arcis miro opere ex petra excisos habet, nam in Monte maximo & altissimo situm ac inde a specibus Turcis cognomen retinet. Opidum quondam non ignobile opibus refertum, celeberrimumque extitit. *Chersonesus* seu *Cossonum*, urbs Taurica antiquissima. Hanc *Sari Germentum*, quasi *flaviam arcem* Turcae vocarunt, nam solum quasi flavum ille tractus habet. Quae, quod superba, dives, delicata, & clara quondam Graecae gentis colonia fuerit, universaeque Peninsulae urbs antiquissima, frequens, magnifica, portuque nobilissima extiterit, admiranda illius ruinae manifeste testantur. *Jamboli* seu *Balachium*, Arx & Civitas: *Mancopia* seu *Manguium*, (ut Turcae vocant) Arx & Opidum: *Cercum* Opidum cum Arce. *Crimium*, seu a Tartaris *Crimum* dicitur Civitas & Arx muro antiquissimo, maximo ac praesto, magnitudine ac celebritate reliquis civitatibus Tauricae Chersonesi Mediterranae, nam eam Ptolemaeus ita nominat, admodum dissimilis est, Ptolemaeo fortasse *Taphros*, Plinio vero *Taphra*. Ac in extrema hujus regionis parte *Tanas* Civitas, ad ostia Tanais fluvii, Rutheni vocant *Maac*, estque nobile Emporium, ad quod Mercatores ex diversis Orbis partibus commeant, ubi cuique liber patet accessus, ac libera emendi & vendendi facultas: & aliae. Fluvium hac Regione plurimi, non parvi admodum ex Montibus decurrentes: Inter quos praecipui *Borssthenes* vulgo *Nieper* altissimus & rapidissimus fluvius qui a Septentrione labitur in Carenitum sinum seu fluvium atque in Pontum Euxinum penes *Oczacoviam* influit. *Don*, & *Ariel*, *Samara*, cum multis aliis, *Bosphorus Cimmerius* ad quem usque hanc Chersonesum protendi diximus, Fretum est quod Europam ab Asia determinat, duorum millium passuum latitudine, per quod Palus Maotica in Pontum defluit. Hic Cimmeriusa *Cimmeris* qui partem ejus frigidissimam incolunt, dicitur: vel ab Opido Cimmerio, ut vult Volateranus. *Meotis* Palus est prope Phasidis ostium: recipiens Tanaim. Hac *Ponti mater* dicitur Scythias, teste Dionysio, ob id maxime quod multa inde in eam effluat aqua, distracta potissimum ex Cimmerio Bosphoro atque ex multis aliunde locis, quae adeo ex omni parte paludem replet, ut non possit inter sua labra contineri. Hac quia plurima recipit flu. Piscibus abundat. Pontus *Euxinus* itidem, cujus superius aqua dulcis est, inferior salta. Hic cum prius *Axenu*, imo secundum Sophoclem *Apoxiuus*, vel quod navium eo non fieret appulsus, vel propter barbaros Scythas accolae, qui advenas trucidabant, diceretur, postea *Euxinum* figura quam vocant *Empo-*

Fluvius.

Moria.

trifurcus dixere. Alii hoc ad Herculem, alii ad Ionas referunt. Pontum vero dixere tanquam alterum Oceanum, putabant enim eos qui illum navigassent, eximium quid & memorabile praestitisse, & ob id, inquit Strabo, per excellentiam proprie Pontum appellant, quem admodum Homerum Poetam. Montes horridi atque ardui, in primis illi qui Chersonesum mediam secant. Sunt & alii maximi & celebres. Maximus vero omnium, altissimus est, & in summitate Lacum sane non exiguum habet. Sed haec haec: deinceps reliqua videamus. Ius vel iustitia Mahometica lege apud Tartaros administratur in civitatibus vel Opidis Chani, & reliquorum Sultanorum. Presbyteri Cadii vel Iudices in pagis, Begi vel Praefecti, qui injurias particulares audiunt & decidunt, perpetui habentur. Veruntamen capitis, sanguinis, furti, quas criminales fundi, quas civiles causas nos dicimus, Chanus ipse cum Consiliariis suis discernit. In quibus exponendis causidico non egent, subtilitatis juris, calumniis, excusationibus, nec dilationibus utuntur. Extremae enim conditionis Tartari vel peregrini coram iudicibus & Chano ipso, a quo semper audiuntur, & celeriter expediuntur, injurias suas ipsi per se libere admodum exponunt; omnibus enim semper ad illum aditus patet. Filios a primis annis Arabicis literis instituendos, filias vero domi non alunt, verum propinquioribus sanguine curandas tradunt. Filios adultos Chano vel Sultanis in ministerium, filias nobiles insignioribus ac nobilioribus Tartaris vel Turcis dant in matrimonium. In aula Principis insigniores Tartari ac nobiliores non ad fastum vel superbium luxum, verum pro necessitate & honestate satis splendidi & civiles sunt. Cum in publicum exit Chanus, miserrimae fortis homines non excluduntur, a Chano vero conspecti examinantur, videlicet ut siquid opus habeant, referant. Legibus obedientiam magnam Tartari praestant: Principes suos Deorum loco ipsi adorant & venerantur. Iudices, pro lege Mahometana perpetui & spirituales pro divinis, indubitataeque omnis aequitatis & integritatis, fidei & opinionis viri inter illos habentur. A controversiis, criminationibus juridicis, jurgis minus necessariis & particularibus, invidia, odio, tetris excessibus, omni luxu & ambitione, in victu & amictu prorsus alieni sunt. In aula Principis nec inter suos, gladios, arcus, nec alia ulla arma illi gestant, exceptis viatoribus, vel peregrinis iter facientibus in quos admodum humani & hospitalis sunt. Nobiliores panem, carnes, cibum, vinum igni eliquatum & Mulsam potu habent, agrestiores pane carent, verum milio concusso, lacte & aqua diluto, quem *Cassa* vulgo nominant, & caseo pro cibo pro potu lacte equino utuntur. Camelos, Equos & Boves oneri inutiles, vel jam moribundos jugulant, ac Ovium carnis non raro vescuntur. Mechanicas artes rarissimi, & in Civitatibus vel Opidis pauci admodum mercaturam exercent, & quicumque artifices vel mercatores ibi reperiuntur, vel Christianorum mancipia, vel Turcae Armeni, Iudaei, Cercesii, Petigorenses qui Christiani sunt, Phylistini vel Cyngani obscurae & extremae conditionis homines sunt. Sed de Taurica Chersoneso ac regionibus Septentrionalibus quae dicta sunt haecenus, sufficiant. Ad Hispaniam, cui in nostra distributione princeps locus deinceps tribuitur, quod felix faultumque sit, eam illustraturi, transeamus.

*Montes.**Ratio gubernandi.**Senatores.**Schola & educatio juvenutis modus.**Mores.**Victus.**Opificia.**Mercimonia.*

y

Hispania